

春秋異文箋

皇清經解卷一千三百零九

春秋異文箋

宣公元年

左氏宋公陳侯衛侯曹伯會晉師于棐林伐鄭

注棐林鄭地滎陽宛陵縣東南有林鄉 釋文棐芳尾反

羊公宋公陳侯衛侯曹伯會晉師于棐林伐鄭

釋文棐芳尾反

左氏同左氏

說見文十三年

左氏冬晉趙穿帥師侵崇

注崇秦之與國 釋文崇本亦作崇

公晉趙穿帥師侵柳

傳柳者何天子之邑也曷爲不繫乎周不與伐天子也

穀梁同左氏

謹案尙書大傳云秋祀柳穀華山鄭注祭柳穀之氣于華山柳聚也齊人語廣雅釋詁云宗聚也此必齊人讀崇爲柳故其訓同公羊崇作柳正齊人方音之轉尙書君奭其終出于不詳

于不祥釋文終馬本作崇隸釋漢石經其道出于不詳

標準道徒苟切玉篇鰮直塋切鰮魚也又直久切廣韻鰮徒紅

切又直冢直柳二切漢書地理志汝南郡鰮陽孟康曰鰮

音紂司馬相如傳上蛭蜩獮狝師古曰獮音迺高反又音柔

卽今所謂戎皮爲鞞禠者也戎音柔聲之轉耳匡謬正俗

六或問曰今之戎獸皮可爲褥者古號何獸何以謂之戎荅  
曰案許氏說文解字曰麋合獸也李登聲類音人周反字或  
作猓詩云無敎猓升木毛傳云猓屬也此字既有柔音俗謂  
變譌謂之戎耳猶今之香茅謂之香戎

二年

左氏秋七月乙丑晉趙盾弑其君夷臯

釋文臯古刀反

公羊秋七月乙丑晉趙盾弑其君夷猓

釋文夷猓戶刀反又古刀反二傳作夷臯

穀梁同左氏

謹案臯猓音義通 周禮大祝來瞽令臯舞注臯讀爲卒皞

呼之嗶來嗶者皆謂呼之入。周禮古義樂師詔來瞽皐舞。注云鄭司農云皐當爲告元謂皐之言號告國子當舞者說文曰禮祝曰皐登謠曰奏故皐奏皆从夊周禮曰詔來鼓皐舞皐告之也先鄭讀皐爲告者戰國策曰商君告歸延篤以爲告歸今之歸寧也東觀漢記田邑傳云邑年三十歷卿大夫號歸罷厭事少所嗜欲號歸卽告歸也皐讀爲告告讀爲號皐告同音故大祝注云皐讀爲夊嗶呼之嗶漢書紀云高祖嘗告歸之田服虔云告音如嗶呼之嗶是告又讀爲嗶然則皐告嗶三字同物同音故二鄭所讀亦無兩義。儀禮士喪禮招以衣曰皐某復三注皐長聲也。禮記禮運升屋而號告曰皐某復正義皐引聲之言喪大記北面三號注號若

一、臯某復也。說文口部噪咆也从口臯聲。獬譚長說：咆从  
木繁，偏通釋。臣緒案：春秋左傳曰：豺狼所嗥，豺狼犬屬，嗥其  
聲高大也。本部臯，奏皆从𠂔。周禮曰：詔來鼓臯，舞臯告之也。玉篇  
大部：獬，胡刀切，大呼也，鳴也，咆也，或作嗥。廣韻：六豪，嗥，熊  
虎聲，獬上同。胡刀切。越絕書：馬嗥者，吳伐越，道逢大風，車  
敗，馬失，騎士墮，从正馬，嗥，臯事見吳矣。案此亦以山海經  
北山經：丹熏之山有獸焉，其狀如鼠而兔首，麋身，其音如嗥。  
大畢云：初學記引此嗥作嗥。

三年

氏楚子伐陸渾之戎

公羊 楚子伐賁渾戎

釋文賁渾舊音六或音奔二傳作陸渾

穀梁 楚子伐陸渾戎

謹案公羊作賁渾字之譌 潛研堂文集答問四問宣三年

楚子伐陸渾之戎公羊作賁渾賁何以有陸音曰此轉寫之  
譌本當爲齒卽古文睦字从光光讀爲六故睦亦有陸音

左氏 葬鄭穆公

公羊 葬鄭繆公

釋文繆音穆

穀梁 同左氏

說詳隱三年葬宋穆公下 史記鄭世家作繆公

五年

左氏秋九月齊高固來逆叔姬

傳秋九月齊高固來逆女自爲也故書曰逆叔姬卿自逆也

公羊秋九月齊高固來逆子叔姬

穀梁同公羊

謹案左氏脫子字 張洽春秋集傳云據高固及子叔姬來

當從公穀有子字在叔姬上

八年

左氏戊子夫人嬴氏薨

公羊戊子夫人熊氏薨

穀梁同公羊



釋文左氏作嬴氏

說詳下文葬我小君敬嬴下

左氏楚人滅舒蓼

注舒蓼二國名 正義曰舒蓼二國名者蓋轉寫誤當云一

國名又曰與文五年滅蓼同蓋蓼滅後更復故楚今更滅之

公羊同左氏

穀梁楚人滅舒鄆

釋文鄆音了本又作蓼國名

謹案蓼鄆古字通 詩小雅漸漸之石序荆舒不至鄆云舒

舒鳩舒鄆舒庸之屬釋文鄆音了本又作蓼 左氏桓十一

年傳將與隋絞州蓼伐楚師注蓼國今義陽棘陽縣東南湖

陽城釋文蓼音了本或作鄆同文五年傳楚子燮滅蓼注蓼  
國今安豐蓼縣釋文蓼音了字或作鄆音同哀十七年傳是  
以克州蓼釋文蓼本又作鄆音了 說文邑部鄆地名从邑  
蓼聲 史記高祖功臣年表蓼侯索隱曰縣名屬六安 晉  
太康三年地記蓼國先在南陽故縣今豫州鄆縣界故胡城  
是 潛研堂文集答問八說文鄆卽舒蓼之蓼

左 冬十月己丑葬我小君敬嬴

注敬嬴嬴姓也

公 冬十月己丑葬我小君頃熊

穀 同公羊

疏案文十八年注云宣母敬嬴此云頃熊者一人有兩號故

皇清經解

卷三

趙徵君春秋異文箋

也 釋文頌熊音傾左氏作敬羸

謹案公穀作頌熊聲之譌 唐韻正一東熊古音羽陵反春秋宣八年葬我小君敬羸公羊穀梁傳並作頌熊頌音近敬熊音近羸正義不得其解乃云一人有兩號非矣左傳昭七年正義曰張叔皮論云賓爵下革田鼠上騰牛哀虎變鯨化爲熊人血爲蠭積灰生蠅傳元潛通賦云聲伯忌瓊瑰而弗占兮畫言諸而暮終羸政沈璧以祈福兮鬼告凶而命窮黃母化而爲羸兮鯨變而成熊二者所韻不同或疑張叔爲熊字著作郎王劭曰古人讀雄與熊皆于陵反張叔用舊音傳元用新音張叔亦作熊也案詩無羊正月及襄十年衛卜禦寇繇皆以雄韻陵劭言是也

十年

左氏公孫歸父帥師伐邾取繹

注繹邾邑魯國鄒縣北有繹山 正義曰文十三年傳稱邾  
遷于繹則繹爲邾之都矣更別有繹邑今魯仍取之非取邾  
之都也亦因繹山爲名蓋近在邾都之旁耳 釋文繹音亦  
羊公孫歸父帥師伐邾婁取繹

釋文類音類又力對欺類二反

穀  
同左氏

謹案繹字在廣韻二十二昔昔爲魚虞模部入聲字類字在  
廣韻十八隊隊爲支脂等部去聲字古音不同部公羊作類  
方音之轉耳十三年齊師伐莒公羊作伐衛義與此同

十一年

左氏夏楚子陳侯鄭伯盟于辰陵

注辰陵陳地潁川長平縣東南有辰亭

公羊同左氏

穀梁夏楚子陳侯鄭伯盟于夷陵

集解夷陵齊地 釋文左氏作辰陵

謹案穀梁作夷陵方音之轉說詳見僖公元年邢遷于夷儀

下 水經注洧水篇洧水又東南逕辰亭東俗謂之田城非

也蓋田辰聲相近城亭音韻聯故也經書魯宣公十一年楚

子陳侯鄭伯盟于辰陵也京相璠曰潁川長平有故辰亭

左氏丁亥楚子入陳納公孫寧儀行父于陳

公羊丁亥筮字入陳納公孫甯儀行父于陳

釋艾甯乃定反又音寧

穀梁同左氏

說見僖公七年盟于甯母下

十三年

左氏春齊師伐莒

傳齊師伐莒恃晉而不事齊故也

公羊春齊師伐衛

穀梁同左氏

謹案莒字在廣韻八語語爲魚部上聲字衛字在廣韻十三祭祭爲齊部去聲字古音魚模等部不與支之等部通公羊

作衛方音之轉 韻補八語韻起釋名云起舉也一舉體也

案此亦支之等部與魚模等部方音通轉之證

左氏冬晉殺其大夫先穀

公羊同左氏

穀冬晉殺其大夫先穀 唐石經改刻作穀

釋文穀戶木反一本作穀

說見文二年

十五年

左氏仲孫蔑會齊高固于無婁

注無婁杞邑

公羊仲孫蔑會齊高固于牟婁

穀同左氏

謹案無牟古方音通轉 儀禮士冠禮記母追夏后氏之道  
也釋文母音牟公食大夫禮注駕無母釋文無音牟 禮記  
郊特牲毋追夏后氏之道也釋文母音牟 方言一撫牟愛  
也韓鄭曰撫宋魯之間曰牟 通雅疑始篇案盧仝詩左道  
官雖樂剛腸得健無功名生地獄禮教夙天囚自注無武侯  
切蓋讀無如牟也 列子黃帝篇列禦寇爲伯昏無人射釋  
文无人莫侯切 莊子德充符篇申徒嘉兀者也而與鄭子  
產同師於伯昏無人釋文無人雜篇作替人列御寇篇遇伯  
昏替人釋文替音茂又音務

十六年



左氏夏成周宣榭火

傳夏成周宣榭火人火之也凡火人火曰火天火曰災 注  
傳例曰人火之也成周洛陽宣榭講武屋別在洛陽者爾雅  
曰無室曰榭謂屋歇前 正義曰服虔云宣揚威武之處  
釋文謝木又作榭音同

公羊

夏成周宣謝災唐石經泐春秋  
纂例公羊作謝

傳成周者何東周也宣謝者何宣宮之謝也何言乎成周宣  
謝災樂器藏焉爾成周宣謝災何以書記災也外災不書此  
何以書新周也 注宣宮周宣王之廟也至此不毀者有中  
興之功室有東西廂曰廟無東西廂有室曰寢無室曰謝  
釋文宣謝災左氏作宣榭火

穀梁夏成周宣榭災

傳周災不志也其曰宣榭何也以樂器之所藏目之也釋

文榭音謝本或作謝災左氏作火

謹案榭古作射或假用謝後世始从木作榭公羊作謝蓋假借字左氏及穀梁作榭皆後起字故左穀釋文云本或作謝蓋左穀舊本亦假用謝字與公羊同也火公穀作災或字形相似而譌左傳杜解補正曰呂大臨考古圖邢敦銘曰王格于宣榭宣榭者蓋宣王之廟也榭射堂之制也其文作印古射字執弓矢以射之象因名其堂曰射原注後从木其堂無室以便射事故凡無室者皆謂之榭原注爾雅云宣王之廟制如榭故謂之宣榭春秋記成周宣榭火以宗廟之重而書之如桓

僖公之比二傳云藏禮樂之器非也 公羊古義棟案左氏

古文榭本作射邢敦銘曰王格于宣射是也劉逵引國語云

射不過講軍實今本作榭說文無榭字經傳通作射荀卿子

曰臺榭甚高泰誓云惟宮室臺榭釋文云本又作射吳射慈

亦作射慈是射與謝通

原注摯虞三輔決錄注云漢末大鴻臚射咸本姓謝各服天子以爲將軍

出征姓謝名服不祥改之爲射氏名咸載見廣韻此由晉時不識古文曲爲之說

左氏襄公三十一

年傳宮室卑庳無觀臺榭釋文榭音謝本亦作射

禮記玉

藻卜人定龜注謂靈射之屬釋文射音亦周禮作釋爾雅作

謝 荀子王霸篇臺榭甚高注謝與榭同

潛研堂文集答

問七說文無榭字則臺榭之榭亦當爲射蓋因習射以得名

也

十八年

左氏秋七月邾人戕郕子于郕

釋文郕才陵反

公羊同左氏

穀梁秋七月邾人戕繪子于繪

釋文繪本或作郕在陵反

說見僖十四年季姬及郕子遇于防下

左氏甲戌楚子旅卒

公羊同左氏

穀梁甲戌楚子呂卒

釋文楚子呂左氏作旅

皇清經解  
卷二十三  
趙微君春秋異文箋

謹案旅呂音同義通 說文呂脊骨也象形昔太獄爲禹心  
呂之臣故封呂侯凡呂之屬皆从呂脊篆文呂从肉从旅  
六書故呂力與切說文曰脊骨也象脊骨聯節形亦通作旅  
詩云旅力方剛 國語周語下胙四岳國命爲侯伯賜姓曰  
姜氏曰有呂謂其能爲禹股肱心膂以養物豐民人也注呂  
之爲言脊也補音脊通作呂 呂覽季冬紀律中大呂注萬  
物萌生動於黃泉未能達見呂旅也所以旅陰卽陽助其成  
功故曰大呂也 白虎通五行篇呂之爲言拒者旅抑拒難  
之也

左氏歸父還自晉至笙遂奔齊

釋文至笙音生徐又勅貞反云本作檉亦作打案徐後音是

依二傳文

公歸父還自晉至櫪遂奔齊

穀同公羊

釋文櫪丑貞反左氏作笙

謹案公穀作櫪假音字

靈川舉人秦培璠對字

皇清經解卷一千三百零九終

皇清經解

卷一千三百零九終

趙徵君春秋異文箋

皇清經解卷一千三百一十

學海堂

春秋異文箋

仁和趙徵君坦著

成公元年

左氏秋王師敗績于茅戎

釋文茅戎亡交反史記及二傳皆作貿戎

公羊秋王師敗績于貿戎

釋文貿戎音茂一音茅左氏作茅戎

穀梁同公羊

釋文貿音茂左氏作茅戎

謹案茅字古音近牟茅貿音相近故公羊作貿 儀禮士冠  
禮注士淶以茅蒐釋文茅亡交反一音妹 毛詩古音攷茅

音侔 唐韻正五十候春秋成元年王師敗績于茅戊公羊  
穀梁傳漢書劉向傳竝作貿 漢書五行志中之下晉敗天  
子之師于貿戎師古曰貿音莫候反

二年

左氏六月癸酉季孫行父臧孫許叔孫僑如公孫嬰齊帥師會晉  
郤克衛孫良夫曹公子首及齊侯戰于鞏齊師敗績

公羊六月癸酉季孫行父臧孫許叔孫僑如公孫嬰齊帥師會晉  
郤克衛孫良夫曹公子手及齊侯戰于鞏齊師敗績

釋文公子手一本作午左氏作首

穀梁同公羊

釋文公子手左氏作首



謹案公穀作公子手假音字 左氏宣二年傳趙盾士季見其手釋文手一本作首 左氏宣十七年正義沈氏引穀梁傳云曹公子首偃 儀禮大射儀相者皆左何瑟後首注古文後首爲後手 士禮禮魚左首注古文首爲手 說文支部黠從支果聲舜女弟名黠首繫傳通釋臣錯案漢書古今人表云黠手 列女傳攷證段君曰漢書古今人表黠手爲妹說文作黠首廣圻案史記正義又作顙手字通 潛研堂金石文跋尾卯敦銘拜手增手卽稽首春秋曹公子首二傳或作手聲同假借也

左氏秋七月齊侯使國佐如師己酉及國佐盟于哀婁

傳七月晉師及齊國佐盟于爰婁

公同左氏

穀秋七月齊侯使國佐如師己酉及國佐盟于爰集

謹案袁爰字通說見僖四年

左庚寅衛侯速卒

公庚寅衛侯速卒

釋文速音速

穀同左氏

說詳見僖公二十六年公會莒子衛甯速盟于向下一史記

十二諸侯年表衛穆公速

三年

左辛亥葬衛穆公

公羊 辛亥葬衛繆公

釋文繆音穆

穀梁 同左氏

說見隱三年葬宋穆公下

左氏 晉卻克衛孫良夫伐廐咎如

釋文廐在良反咎古刀反

公羊 晉卻克衛孫良夫伐將咎如

疏左氏將作廐字 釋文左氏作廐咎如

穀梁 晉卻克衛孫良夫伐牆咎如

謹案廐牆字同廐將音相近故公羊作將 尚書大傳洛誥

傳負廐而歌多士傳天子賁庸鄭注廐謂之庸略說棘廐而

外閉之 詩小雅常棣兄弟鬩于牆釋文牆本或作牆 大

戴禮曾子制言上相會于牆陰 左氏僖二十三年傳狄人

伐牆咎如釋文牆在良反咎古乃反襄二十六年傳寺人惠

牆伊戾釋文牆音牆或作牆昭三年傳以備嬪嬙釋文牆本

又作牆在良反哀元年傳宿有妃嬪嬙御焉釋文嬪本又作

牆或作牆在羊反 孝經五刑章鄭注壞人垣牆釋文牆本

或作牆同 說文齋部牆垣蔽也从齋另聲 玉篇齋部牆

疾將切牆垣也牆上同 班馬字類廣史記趙世家翟伐牆

咎如春秋左氏傳同漢書鄒陽傳牽帷牆之制讀作牆 逸

周書作雒解隄唐山牆 隸釋史晨饗孔廟後碑補完里中

道之周左牆垣壞決武班碑闕見 缺 牆 漢曹全碑載治牆

屋 戰國策趙策一 廩之有楮其高至丈餘 管子侈靡篇  
不動則望有廩地員篇行廩落 墨子經說上廩外之利害  
未可知也

四年

左氏三月壬申鄭伯堅卒

公羊同左氏

疏左氏作堅字穀梁作賢字今定本亦作堅字 釋文伯  
苦刃反本或作堅

穀梁同左氏 古本或作賢字

謹案陸德明所据公羊本作取公羊疏以爲穀梁作賢此皆  
古本也取賢並與堅通 公羊古義棟案公羊作取穀梁作

賢本一字也說文云𡗗古文以爲賢字漢潘乾校官碑云親

𡗗賢智國三老袁良碑云優𡗗之寵今文大誓云優賢揚歷

原注見三國志注是優𡗗卽優賢也玉篇又引作𡗗𡗗與堅同𡗗亦

爲古堅字堅又與賢通東觀漢記云原注後漢紀注陰城公主名賢

得續漢書天文志作堅得疑古堅字賢字皆省作𡗗公羊從

古文作𡗗穀梁以爲賢左氏以爲堅師讀各異故也 說文

𡗗堅也从又臣聲凡𡗗之屬皆从𡗗讀若鏗鏘之鏗古文以

爲賢字 玉篇糸部𡗗古千古兩二切成公四年鄭伯𡗗卒

釋名釋采帛篇絹𡗗也其絲𡗗厚而疎也疏證云今本𡗗

皆作𡗗譌段云𡗗古堅字當从糸臣聲玉篇引成公四年鄭

伯𡗗卒今春秋作鄭伯堅𡗗亦𡗗之訛 漢隸字原校官碑

親取寶智說者謂與劉熊碑崔鳴一震皆蒙下文故賢鶴从  
省文如袁良碑優取之寵則又非蒙下文也漢碑亦多單用  
東觀漢記列傳十一班始尙陰城公主名賢得續漢書五  
行志作堅得 隸釋潘乾校官碑親取寶智又師取他朋袁  
良碑優取之寵

五年

左氏夏叔孫僑如會晉荀首于穀

公羊夏叔孫僑如會晉荀秀于穀

釋文荀秀左氏作荀首

穀梁同左氏

謹案首秀聲相近公羊作荀秀聲之誤

六年

左氏晉欒書帥師救鄭

傳云楚子重伐鄭鄭從晉故也又云晉欒書救鄭與楚師遇于繞角楚師還

公羊欒書率師侵鄭

穀梁同左氏

謹案五年盟于蟲牢左氏傳云鄭服也故六年楚公子嬰齊帥師伐鄭鄭有楚師故晉欒書帥師救鄭本末如此則非欒書侵鄭可知公羊經作侵鄭既不發傳無從見義當是傳寫之誤率帥字通儀禮聘禮帥大夫以八注古文帥爲率觀禮伯父帥乃初事注今文帥作率



八年

左氏秋七月天子使召伯來賜公命

公羊秋七月天子使召伯來錫公命

穀梁同公羊

謹案賜錫音相近然古器物款識多作錫則公穀作錫亦得

周易訟上九或錫之盤帶釋文錫星歷反又星自反賜也

師九二王三錫命釋文錫星歷反徐音賜鄭本作賜 尚書

禹貢九江納錫大龜史記夏本紀作九江入賜大龜錫土姓

作賜土姓文侯之命序平王錫晉文侯和鬯圭瓚釋文錫星

歷反馬本作賜 儀禮覲禮天子賜舍注今文賜皆作錫公

羊古義莊元年傳云錫者何賜也棟案古文賜作錫 玉篇

金部錫思的切鉛錫又與也貝部賜思漬切惠也施也

十年

左氏冬十月

公無冬十月三字

唐陸淳春秋集傳纂例云無此三字今本亦無 唐石經訛

穀梁同左氏

謹案公羊脫冬十月三字 讀書脞錄續編公羊成十年經

公如晉何休注云如晉者冬也去冬者惡成公前既怨懟不

免牲今復如晉過郊乃反遂怨懟無事天之意當絕之案公

如晉與秋七月連文蓋公以秋七月如晉也左傳秋公如晉

可證左穀經文於此年末本有冬十月三字公羊經文偶脫

爾而何氏乃妄造為去冬之說以如晉為冬時惡成公而不

書冬繆戾極矣且謂成公以下邠不從遂怨懟而如晉亦非理也

十一年

左氏晉侯使郤犇來聘己丑及郤犇盟

正義案世本郤豹生冀芮芮生缺缺生克也又云豹生義義生步揚揚生州州卽犇也 釋文犇尺由反

公羊晉侯使郤州來聘己丑及郤州盟

釋文郤州本亦作犇尺由反

梁叔同左氏

釋文郤犇公羊作郤州

謹案犇州音相近公羊作州亦假音字 左氏閔元年傳畢

萬爲右注畢萬魏驪祖父正義曰世本畢萬生芒季季生武仲州州卽驪也 史記魏系家索隱云州與驪聲相近字異耳

十二年

左氏夏公會晉侯衛侯于瑱澤

注瑱澤地闕 釋文璵素果反依字宜作瑱

公羊夏公會晉侯衛侯于沙澤

釋文沙澤素禾反又如字二傳作瑱澤定七年同

穀梁同左氏

釋文瑱澤素果反

謹案沙古音莎與瑱音相近故公羊作沙澤 左氏定七年

經齊侯衛侯盟于沙注陽平元城縣東南有沙亭釋文沙如字又星和反傳乃盟于瑱注瑱卽沙也釋文瑱素果反

十三年

左氏曹伯廬卒于師唐石經同

釋文廬力吳反本亦作盧

公羊曹伯廬卒于師唐石經同

釋文廬力吳反本亦作盧

穀梁同公羊

釋文廬力吳反又力魚反

謹案盧廬音相近體亦相似古多假用左氏桓十二年傳

羅與盧戎兩軍之釋文廬如字本或作盧音同文十四年傳

廬戢黎及叔麋誘之釋文廬力於反又音廬十六年傳自廬  
以往釋文廬力於反又音廬宣十七年傳使樂京廬待命于  
齊釋文廬音廬又力於反昭十三年經蔡侯廬歸于蔡釋文  
廬音廬又力居反二十年經蔡侯廬卒釋文廬力烏反本又  
作廬力於反 廣韻廬說文曰飯器也亦姓又漢複姓八氏  
孟子有屋廬子著書 史記吳太伯世家餘橋疑吾卒子柯  
廬立 吳越春秋吳太伯傳吾子柯廬 史記荀卿列傳楚  
有尸子長廬阿之吁子焉 漢書藝文志長廬子著書九篇  
劉向孫卿書錄楚有尸子長廬子芋子皆著書 荀子富  
國篇君廬屋妾注盧當爲廬 列子天瑞篇釋文長廬子  
莊子讓王篇乃負石而自沉於廬水釋文廬音閭司馬本作

盧水

十五年

左氏癸丑公會晉侯衛侯鄭伯曹伯宋世子成齊國佐邾人同盟于戚

公羊癸丑公會晉侯衛侯鄭伯曹伯宋世子成齊國佐邾人同盟于戚

釋文世子戌音恤本或作成

穀梁同左氏

說見昭十年

左氏晉侯執曹伯歸于京師

公羊晉侯執曹伯歸之于京師

穀梁同左氏

謹案公羊僖二十八年晉人執衛侯歸之于京師傳云歸之于者何歸于者何歸之于者罪已定矣歸于者罪未定也罪未定則何以得為伯討注此難成十五年晉侯執曹伯歸于京師歸之于者執之于天子之側者也罪定不定已可知矣歸于者非執之于天子之側者也罪定不定未可知也据彼及注則此成十五年經不得有之字有者衍文

十六年

左氏九月晉人執季孫行父舍之於莒丘

釋文莒音條

公羊九月晉人執季孫行父舍之於招丘



釋文招丘章遙反又上饒反二傳作茗丘

穀梁同左氏

釋文茗音條

謹案茗招並有韶音故公羊作招 詩小雅茗之華釋文茗

音條徐音韶 左氏襄二十九年傳見舞韶濩者釋文韶上

昭反本或作招音同昭元年經陳公子招釋文招常遙反八

年經陳侯之弟招釋文招常遙反十二年傳祭公謀父作祈

招之詩釋文招常遙反又音昭 春秋繁露三代改制質文

篇樂宜親招武 孟子蓋徵招角招是也音義張音韶 五

經文字茗時昭反又徒彫反 羣經音辨招陳公子也上遙

切 史記蔡世家陳司徒招索隱曰招或作茗又作昭並音

時遙反陳世家乃殺陳使者索隱曰卽陳司徒招又一名苾

王本

漢書禮樂志舜作招師古曰招讀曰韶又郊祀歌體招

搖師古曰招音韶五行志中之上陳公子招曰不憂何成二

子樂矣師古曰招音韶下之下後陳公子招殺世子師古曰

招音韶揚雄傳何有九招與九歌師古曰招讀曰韶國語

周語上樂及徧舞注舜曰大招舊音招音韶補音今案招卽

韶字假借非止爲音獨斷上五帝三代樂之名舜曰大韶

一曰大招列子周穆王篇奏承雲六鑒九韶晨露以樂之

釋文招本作韶市昭切

十七年

左氏春衛北宮括帥師侵鄭

釋文括古活反

公羊春衛北宮結率師侵鄭

穀梁同左氏

謹案公羊作結亦聲之譌

左氏壬申公孫嬰齊卒於貍脰

釋文貍力之反脰市軫反

公羊壬申公孫嬰齊卒於貍軫

疏正本作貍辰字 釋文貍力之反軫之忍反左氏作脰穀

梁作蜃

穀梁壬申公孫嬰齊卒於貍蜃

集解貍蜃魯地也 釋文貍蜃上力之反下時軫反

謹案脈軫蜃音並相近公羊作狸軫穀梁作狸蜃皆假音字

十八年

左氏晉侯使士魴來乞師

釋文魴音房

公羊晉侯使士彭來乞師

釋文士彭二傳作士魴襄十二年同 襄十二年疏考諸正

本皆作士魴字若作士彭者誤矣

穀梁同左氏

謹案彭古音旁彭魴音相近故公羊作彭 易大有九四匪

其彭釋文彭步郎反子夏作旁姚云彭旁徐音同 唐韻正

十二庚韻彭古音旁易大有九四匪其彭子夏傳本作旁王

弼註亦作匪其旁云旁謂三也 釋名釋兵篇彭排彭旁也  
在旁排敵禦攻也

靈川舉人秦培璠對字

皇清經解卷一千三百一十終

皇清經解卷一千三百一十終 趙徵君春秋異文箋

皇清經解卷一千三百二十一

學海堂

春秋異文箋

仁和趙徵君坦著

襄公元年

左氏夏晉韓厥帥師伐鄭

公羊夏晉韓屈帥師伐鄭

疏左傳穀梁屈作厥字也

穀梁同左氏

說見文公十年次于厥貉下

左氏仲孫蔑會齊崔杼曹人邾人杞人次于鄆

注鄆鄆地在陳留襄邑縣東南 釋鄆才陵反

公羊仲孫蔑會齊崔杼曹人邾婁人杞人次于合

疏云次于合者左氏合作郇字也 釋文于合二傳作郇

穀梁同左氏

集解郇鄭地郇或爲合 釋文郇似陵反

謹案郇古或省作會會合篆文相近遂譌作合 撫古遺文

會會合

四年

左氏秋七月戊子夫人嬖氏薨

注成公妾襄公母嬖杞姓

公羊秋七月戊子夫人弋氏薨

疏左氏經作嬖氏字聲勢與此同 釋文弋氏以職反莒女

也左氏作嬖氏

穀  
梁同左氏

集解妣杞姓 疏公羊以爲弋氏何休云莒女此與左氏並  
爲妣氏范及杜預皆云杞女是與公羊異也

謹案妣弋聲之轉何劭公以爲莒女恐非 唐韻正二十四  
職弋與職切上聲則音以春秋襄四年秋七月戊子夫人妣  
氏薨公羊傳作弋氏八月辛亥葬我小君定妣公羊傳作定  
弋十五年秋七月壬申妣氏卒穀梁傳作弋氏辛巳葬定妣  
穀梁傳作定弋禮記月令田獵罝罾羅網畢翳倭獸之藥毋  
出九門注今月令翳爲弋

左  
氏八月辛亥葬我小君定妣

公  
羊八月辛亥葬我小君定弋



傳定弋者何襄公之母也注定弋莒女也疏正以鄆世子巫者莒之外孫下五年傳意以爲與襄公爲舅出故知弋氏爲莒女也

穀梁同左氏

說見上

五年

左氏仲孫蔑衛孫林父會吳于善道

注善道地闕

公羊仲孫蔑衛孫林父會吳于善道

釋文善稻左氏作善道

穀梁同公羊

傳吳謂善伊謂稻緩號從中國名從主人 集解善稻吳地

釋文善稻吳謂之伊緩左氏作善道

謹案公穀道作稻假音字 九經字樣郎邪郡名耶良也邪

道也以地居鄒魯人有善道故爲郡名

案善道之得名或取此義

左氏楚公子貞帥師伐陳公會晉侯宋公衛侯鄭伯曹伯齊世子

光救陳

公羊楚公子貞帥師伐陳公會晉侯宋公衛侯鄭伯曹伯莒子邾

婁子滕子薛伯齊世子光救陳

梁公同公羊 邾婁子作邾子

謹案左氏脫莒子邾子滕子薛伯八字

七年

左鄭伯髡頑如會未見諸侯丙戌卒于鄆

注鄆鄭地 釋文鄆七報反又禾南反字林千消反

公鄭伯髡原如會未見諸侯丙戌卒于操

疏正本作頑字亦有一本作原字非也疏又云其鄆字者非

正本也 釋文髡原苦門反左氏作髡頑操七報反一音七

南反左氏作鄆

穀同公羊

集解操鄭地 釋文髡苦門反本又作郡或作頑頑音於倫

反左氏作髡頑

謹案頑與原音相近公穀作髡原蓋假音說文無鄆字古祇

借用操字後世始去手从邑公穀作操猶是古文

八年

左氏鄭人侵蔡獲蔡公子燮

注燮蔡莊公子 釋文燮悉協反

公羊同左氏

疏獲蔡公子燮者穀梁作公子濕

穀梁鄭人侵蔡獲蔡公子濕

釋文公子溼本又作隰同音濕又音變二十年同左氏作燮

謹案燮濕音相近穀梁作公子濕聲之譌 羣經音辨濕音

隰春秋傳蔡公子濕又音燮

九年

左氏春宋災

皇清經解

卷三十三

趙徵君春秋異文考

注天火曰災

羊公  
春宋火

傳曷爲或言災或言火大者曰災小者曰火然則內何以不言火內不言火者甚之也何以書記災也外災不書此何以書爲王者之後記災也 疏左傳穀梁作宋災 釋文宋火  
二傳作災

穀  
梁同左氏

謹案公羊傳明云記災則經文不當作火災作火雖在陸氏作釋文已然究屬傳寫之誤

左氏  
秋八月癸未葬我小君穆姜  
公羊  
秋八月癸未葬我小君繆姜

穀梁同左氏

說見隱公三年葬宋穆公下

十年

左氏夏五月甲午遂滅偃陽

注偃陽妘姓國今彭城傳陽縣也 釋文偃徐甫目反又彼

力反本或作逼

公羊同左氏

疏左氏經作偃字音夫目反一音逼近之逼而南州人云道

仍有偃陽之類如逼近之逼矣 釋文偃音福又彼力反

穀梁夏五月甲午遂滅傅陽

釋文傅陽左氏作偃陽

謹案偁之爲傳亦方音之轉與繹之爲蘋

宣十年

莒之爲衛同

宣十年

公羊古義棟案古今人表作福陽知偁音福从彼力反

者非也

玉篇人部偁鄙力切迫也與逼同

唐韻正三十

四職偁古音方墨反

漢書古今人表福陽子注妘姓師古

曰卽偁陽也地理志下楚國傳陽故偁陽國莽曰輔陽師古

曰偁音福左氏傳所云偁陽妘姓者也

後漢書陶謙傳曹

操擊謙破彭城傳陽注縣名屬彭城國本春秋時偁陽也楚

宣王滅宋改曰傳陽

續漢書郡國志彭城國傳陽有沮水

注左傳襄十年滅偁陽杜預曰卽此縣也

晉書地理志徐

州彭城國傳陽

水經注流水篇引作偁陽又作傳陽

左

氏成十六年傳有韎韋之跗注正義曰鄭以跗當爲幅謂裁

韋若布帛之幅相縫屬

左氏冬盜殺鄭公子駢公子發公孫輒

公羊冬盜殺鄭公子斐公子發公孫輒

釋文斐芳尾反左氏作駢

穀梁同公羊

釋文斐芳尾反左氏作駢

謹案古人字必與名協襄九年傳公子駢杜注子駢說文以駢爲駢旁馬故駢字子駢也然則公穀作公子斐聲之誤

詩秦風小戎篇駢駢是中駢驪是駢箋中中服也駢兩駢也

正義曰車駕四馬在內兩馬謂之服在外兩馬謂之駢故云

中中服駢兩駢也春秋時鄭有公子駢字子駢是有駢乃成



駟也 禮記檀弓上使子貢說駟而聘之注駟馬曰駟正義  
曰說文云駟旁馬又曰王度記云天子駕六馬諸侯四大夫  
三士二古毛詩云天子至大夫皆駕四 左氏桓二年傳駟  
絙而止注駟駟馬正義曰說文云駟駟旁馬是駟駟爲一也  
初駕馬者以二馬來轅而已又駕一馬與兩服爲參故謂之  
駟又駕一馬乃謂之駟故說文云駟駕三馬也駟一乘也兩  
服爲主以漸參之兩旁二馬遂名爲駟故總舉一乘則謂之  
駟指其駟馬則謂之駟又曰各駟者以駟馬有駟駟之容故  
少儀云駟駟翼翼是也

十一年

左氏 秋七月己未同盟于亳城北

注亳城鄭地伐鄭而書同盟鄭與盟可知

公羊秋七月己未同盟于京城北

疏穀梁與此同左氏經作亳城北服氏之經亦作京城北乃與此傳同之也 釋文京城北左氏作亳城北

穀梁同公羊

釋文左氏京作亳

謹案亳是宋地去鄭迂遠經文上書伐鄭下書同盟則同盟之地當屬鄭邑公穀及服氏皆作京城北于義爲得作亳者字之譌 公羊古義棟案京鄭地在滎陽隱元年傳謂之京城大叔是也亳城無考此傳寫之譌當从公穀是正

十二年

左氏春王三月莒人伐我東鄙圍台

注琅邪費縣南有台亭 釋文台勑才反又音臺一音翼之

反

公同左氏

穀梁春王三月莒人伐我東鄙圍台

釋文郛本又作台他來反又音臺

謹案古人于國名地名不必盡加邑旁後人泥于偏旁遂多  
从邑左氏及公羊作台正是古文穀梁作郛或後儒增益

詩生民卽有郛家室 詩攷引白虎通作卽有台家室 史

記周本紀封棄于郛 吳越春秋吳大伯傳后稷其母台氏  
之女姜嫄

左氏季孫宿帥師救台遂入鄆

公羊季孫宿帥師救台遂入運

穀梁季孫宿帥師救郕遂入鄆

說見文公十二年

左氏夏晉侯使士魴來聘

公羊夏晉侯使士彭來聘

穀梁同公羊

說見成十八年

十三年

左氏夏取郕

傳夏郕亂分爲三師救郕遂取之 注郕小國也任城亢父

縣有郭亭 釋文郭音詩

公夏公取詩

傳詩者何知婁之邑也曷爲不繫乎邾婁諱亟也

疏正本皆作郭字有作詩字者誤 釋文取詩一傳作郭

梁同左氏

疏公羊以郭爲邾婁之邑此傳雖無說蓋從左氏爲國也

釋文郭音詩

謹案公羊作詩或古文 說文邑部郭附庸國在東平亢父

郭亭从邑寺聲 水經注濟水篇亢父縣有詩亭春秋之詩

國也

十四年

左氏春王正月季孫宿却老會晉士匄齊人宋人衛人鄭公孫蘧

曹人莒人邾人滕人薛人杞人小邾人會吳于向

公羊春王正月季孫宿却老會晉士匄齊人宋人衛人鄭公孫嚙

曹人莒人邾婁人滕人薛人杞人小邾婁人會吳于向

釋文嚙勑邁反二傳作蘧

穀梁同左氏

釋文蘧丑邁反

謹案公孫蘧字子蟠說文訓蟠爲蟲卽字思名子蟠當名蘧不名嚙矣公羊作公孫嚙蓋假音字說文嚙从口蘧省聲公

羊不省 襄九年左氏傳公孫蘧注子蟠 說文口部嚙高

气多言也从口蘧省聲春秋傳曰嚙言

清研堂文集答問四左氏哀二十四年傳

是蜺言也蜺虫部蜺蟲也从虫喬聲蠶毒蟲也象形蠶或言卽蠶言

从虫 六書故蜺居天切天矯卷尾彊曲也鄭公孫蠶字子  
蜺蠶尾蜺曲也

左氏已未衛侯出奔齊

注不書名從告

公羊已未衛侯衍出奔齊

注不書孫甯逐君者舉君絕爲重 疏云舉君絕爲重者謂

書衍者名見其當絕不合爲諸侯

穀梁穀同左氏

謹案禮記曰諸侯失地名左氏傳云定姜曰告亡而已無告  
無罪則諸侯之策當書衛侯名爲得左穀或脫衍字

十七年

左春王二月庚午邾子貜卒

釋文貜苦耕反徐戶耕反

公羊春王二月庚午邾婁子貜卒

釋文貜音閒或下姦反左氏作姪

穀梁春王二月庚午邾子貜卒

釋文貜音閒左氏作姪

謹案公穀作貜亦方音之轉 公羊古義案攷工梓人云數

目顧脰注云故書顧或作姪鄭司農云姪讀爲髡頭無髮之

簡是姪有貜音故或作貜劉昌宗周禮音云姪音苦顏反今

左傳音苦耕反非也 說文牛部姪牛膝下骨也从牛至聲



目部瞞戴目也从目閒聲江淮之間謂眠曰瞞

左氏秋齊侯伐我北鄙圍桃

注弁縣東南有桃墟

公羊秋齊侯伐我北鄙圍桃

釋文洮他刀反左氏作桃

穀梁同左氏

謹案桃洮音相近公羊作洮亦假音 穀梁莊二十七年經

春公會杞伯姬于洮集解洮魯地釋文洮他刀反本或作桃

水經注瓠子河扁瓠子故瀆又東逕桃城南春秋傳曰分

曹地自洮以南東傳于濟盡曹地也今鄆城西南五十里有

姚城或謂之洮也泗水篇泗水出卞縣故城東南桃墟西北

左氏高厚帥師伐我北鄙圍防

公羊齊高厚帥師伐我北鄙圍防

穀梁同公羊

謹案此經接齊侯伐我北鄙圍桃下則高厚爲齊侯分遣之師故不須復繫齊公穀作齊高厚或衍齊字

十八年

左氏秋齊師伐我北鄙

傳秋齊侯伐我北鄙 注不書齊侯齊侯不入竟

公羊同左氏

穀梁秋齊侯伐我北鄙

謹案左氏傳明云齊侯伐我北鄙則經宜書齊侯左氏及公

羊經作齊師或字之譌

十九年

左氏春王正月諸侯盟于祝柯

注祝柯縣今屬濟南郡 釋文柯古多反

公羊春王正月諸侯盟于祝阿

釋文祝阿二傳作祝柯

穀梁同左氏

釋文祝柯古何反

謹案柯阿音相近古多通假 釋例土地名齊地祝柯濟南

祝阿縣也 左氏莊十三年經公會齊侯盟于柯注此柯今

濟北東阿齊之阿邑猶祝柯今爲祝阿 史記高祖功臣年

表祝阿侯索隱曰縣名屬平原 水經注河水篇河水右歷  
柯澤春秋左傳襄公十四年衛孫文子敗公徒於阿澤者也  
又東北逕東阿縣故城西而東北出濟水篇玉水又西北枕  
祝阿縣故城東春秋襄公十九年諸侯盟于祝柯左傳所謂  
督揚者也漢興改之曰阿矣 通典唐改濟北郡爲濟州東  
阿仍屬濟州春秋時齊之柯邑 晏子春秋內篇襍上景公  
使晏子爲東阿宰音義左傳莊十三年公會齊侯盟于柯杜  
預注齊之阿邑齊威王烹阿大夫卽此元和郡縣志東阿縣  
漢舊縣也春秋時齊之柯地案此已名東阿則漢縣承古名  
又本草經已有阿膠阿柯通也

左氏秋七月辛卯齊侯環卒

公羊秋七月辛卯齊侯瑗卒

釋文瑗于眷反一音環二傳作環 疏左氏穀梁作環字也

穀梁同左氏

謹案環瑗音相近公羊作瑗聲之譌 史記齊世家作環

說文玉部瑗大孔璧人君上除陞以相引从玉爰聲爾雅曰好倍肉謂之瑗肉倍好謂之璧環璧也肉好若一謂之環从

玉叢聲

左氏鄭殺其大夫公子嘉

公羊鄭殺其大夫公子喜

釋文喜二傳作嘉 疏左氏穀梁作公子嘉也

穀梁同左氏

謹案公羊作喜或字之譌

二十年

左氏春王正月辛亥仲孫速會莒人盟于向

公羊春王正月辛亥仲孫邀會莒人盟于向

釋文邀音速

穀梁同左氏

說見僖公二十六年公會莒子衛甯速盟于向下

左氏蔡殺其大夫公子燮

公羊同左氏

穀梁蔡殺其大夫公子涇

說見襄公八年

左氏陳侯之弟黃出奔楚

公羊陳侯之弟光出奔楚

釋文弟光左氏傳作弟黃

穀梁同公羊

釋文弟光左氏作黃

謹案黃與光字相似音義亦相近公穀作光亦假用字 公

羊古義案說文𠂔古文光𠂔古文黃字相似

原注白虎通云璜之爲言光也

風俗通云黃光也

尚書大傳唐傳黃者光也

漢書天文志中道

者黃道一曰光道

二十二年

左氏冬公會晉侯齊侯宋公衛侯鄭伯曹伯莒子邾子薛伯杞伯

小邾子于沙隨

公羊冬公會晉侯齊侯宋公衛侯鄭伯曹伯莒子邾婁子滕子薛

伯杞伯小邾婁子于沙隨

穀梁同公羊 邾下無婁字

謹案左氏經邾子下無滕子或闕文

二十三年

左氏夏邾畀我來奔 唐石經作畀似誤

釋文畀必利反

公羊夏邾婁畀我來奔

釋文畀我二傳作畀我



穀梁同左氏

釋文畀必二反

謹案公羊作鼻假音字 公羊古義古鼻畀同音 穀梁昭

二十七年傳注邾畀我釋文畀必二反本或作鼻 孟子封

之有庫音義庫音鼻史記作鼻 史記五帝本紀封弟象爲

諸侯集解孟子曰封之有庫音鼻 漢書宣帝紀蓋問象有

罪舜封之應劭曰封之於有鼻之國鄒陽傳封之於有卑服

虔曰音畀予之畀也師古曰音鼻今鼻亭是也武五子傳舜

封象於有鼻師古曰有鼻在零陵今鼻亭是也 後漢書東

平王蒼傳昔象封有鼻注有鼻國名其地在今永州營道縣

北袁譚傳象敖終受有鼻之封注孟子曰象至不仁封諸有

鼻鼻國在永州營道縣北今猶謂之鼻亭 水經注湘水篇

應水又東南流逕有鼻墟南王隱曰應陽縣太泉陵之北部

也東五里有鼻墟言象所封也 楚辭天問章句舜為天子

封象於有鼻

左氏八月叔孫豹帥師救晉次于雍榆

注雍榆晉地汲郡朝歌縣東有雍城案春秋地名作雍榆城

公羊八月叔孫豹帥師救晉次于雍榆

釋文渝羊朱反左氏作榆

穀梁同公羊

釋文渝陽朱反左氏渝作榆

謹案公穀作雍渝亦假音字 水經注淇水篇淇水又東北

流謂之白溝逕雍榆城南春秋襄公二十三年叔孫豹救晉  
次于雍榆者也 國語周語中定王饗之注定王榆也舊音  
榆音榆本或爲榆補音今按史記周定王名瑜古今人表作  
榆从木

二十四年

左公會晉侯宋公衛侯鄭伯曹伯莒子邾子滕子薛伯杞伯小  
邾子于夷儀

公會晉侯宋公衛侯鄭伯曹伯莒子邾婁子滕子薛伯杞伯  
小邾婁子于陳儀

疏于陳儀左氏與穀梁作夷儀

穀梁同左氏

說見僖公元年邢遷于夷儀下

二十五年

左氏冬鄭公孫夏帥師伐陳

傳子西復伐陳陳及鄭平

公羊冬鄭公孫嚙帥師伐陳

穀梁同左氏

釋文夏戶雅反

謹案公孫夏字子西則夏取中夏義而以西爲中夏之一隅故字子西公羊作嚙義不相協或方音之譌

左氏十有二月吳子過伐楚門于巢卒

注過諸樊也 釋文過於葛反徐音謁

羊公十有二月吳子謁伐楚門于巢卒

疏吳子謁者亦有一本作過字者 釋文謁左氏作過

穀同公羊

釋文謁左氏作過

謹案過謁音相近公穀作謁假音字 周易大有象傳君子

以過惡揚善釋文過於葛反徐又音謁 尚書舜典三載四

海過密入音釋文過安葛反或音謁湯誓夏王率過衆力釋

文過於葛反徐音謁 詩大雅文王篇無過爾躬釋文過於

葛反或作謁音同 左氏成十八年傳鐸過寇爲上軍尉繚

文過於葛反徐音謁 說文辵部過从辵易聲讀若桑蟲之

謁言部謁从言易聲 史記吳大伯世家索隱曰春秋經書

吳子過左傳稱諸樊蓋過是其名諸樊是其號公羊傳過作謁

二十六年

左氏秋宋公殺其世子痤

釋文世子痤才禾反

公羊同左氏

釋文痤在禾反

穀梁秋宋公殺其世子座

釋文座在禾反

謹案穀梁作座亦假音字 漢書古今人表任座師古曰座

音才戈反又范座師古曰座音才戈反馮野王傳子座嗣爵

師古曰座音才戈反 呂覽長見篇魏公叔座疾惠王往問

之畢氏云座舊作座與魏策同據御覽四百四十四又六百

三十二兩引皆作座與史記商君傳合今從之

二十七年

左氏夏叔孫豹會晉趙武楚屈建蔡公孫歸生衛石惡陳孔奐鄭

良霄許人曹人于宋

釋文奐呼亂反

公羊夏叔孫豹會晉趙武楚屈建蔡公孫歸生衛石惡陳孔瑗鄭

良霄許人曹人于宋

釋文孔瑗二傳作孔奐

梁同左氏

謹案與瑗音相近公羊作瑗聲之誤

左氏衛侯之弟鮒出奔晉

釋文鮒市轉反又音專

公羊同左氏

穀梁衛侯之弟專出奔晉

釋文專左氏作鮒

謹案衛侯之弟鮒字子鮮則左氏作鮒于義爲協穀梁作專或省文左氏鮒設諸史記等書竝作專諸亦省文爾 說文

魚部鮒魚也从魚專聲 左氏昭二十年傳乃見鮒設諸焉

公羊襄二十九年傳於是使專諸刺僚 史記吳大伯世

家乃求勇士專諸伍子胥傳乃進專諸於公子光刺客傳專



諸者吳堂邑人也 漢書古今人表專諸 吳越春秋王僚  
使公子光傳乃得勇士專諸 裁釋武梁祠堂畫象專諸炙  
魚 新書淮難篇闔閭富故然使專諸刺吳王僚 鹽鐵論  
論勇篇使專諸空拳不免於爲禽又曰專諸手劍

二十九年

左氏仲孫羯會晉荀盈齊高止宋華定衛世叔儀鄭公孫段曹人  
莒人滕人薛人小邾人城杞

公羊仲孫羯會晉荀盈齊高止宋華定衛世叔齊鄭公孫段曹人  
莒人邾婁人滕人薛人小邾婁人城杞

疏世叔齊左氏經作太叔儀

叔段  
宋仲孫羯會晉荀盈齊高止宋華定衛世叔儀鄭公孫段曹人

莒人邾人滕人薛人小邾人城杞

謹案公羊經作世叔齊疏謂左氏經作太叔儀今本左氏經大亦作世蓋所据本異大與世古通假字說詳文公十三年大室屋壞下儀與齊古音不相通且陸氏釋文無明文恐是後人傳寫之譌左氏經莒人下脫邾人二字

三十年

左氏春王正月楚子使薳罷來聘

釋文罷音皮

公羊春王正月楚子使薳頗來聘

釋文頗音皮又音彼一音普何反一本作跋者音同二傳作薳罷

梁同左氏

謹案罷頗古皆音婆公羊作遠頗假音字 唐韻正五支部  
罷古音婆易中孚六三或鼓或罷或泣或歌王肅音皮徐邈  
音扶波反按罷音皮皮音婆凡經傳中罷倦之罷罷休之罷  
皆讀婆今人因皮而誤又添一蒲蟹反至土音則又轉而爲  
蒲怕矣儀禮鄉飲酒禮飲酒罷劉音皮禮記少儀師役曰罷  
注罷之言罷勞也春秋傳曰師還曰疲此可見罷倦之罷罷  
休之罷同爲一音矣春秋襄三十年楚子使遠罷來聘昭六  
年楚遠罷帥師伐吳公羊傳竝作遠頗頗音皮左傳襄十五  
年公子罷戎爲右尹罷音皮又音皮買反二十三年卒成御  
棄罷師罷音皮一音皮買反三十年皆自朝布路而罷罷皮

買反又扶波反

左氏五月甲午宋災宋伯姬卒

傳甲午宋大災宋伯姬卒待姆也

公羊五月甲午宋災伯姬卒

穀梁同公羊

案左氏傳亦云宋伯姬且下經叔弓如宋葬宋共姬有宋字則此云宋災宋伯姬卒所以繫伯姬于宋箸魯女之嫁于宋者也有宋字爲是

左氏天王殺其弟佞夫

釋文佞乃定反

公羊天王殺其弟年大

釋文年夫音佞又如字二傳作佞夫

衆同左氏

謹案佞古音近辰國語晉語與人誦佞之見佞果喪其田田古音陳是佞字可入真部年古音近旬詩鳴鳩等篇可証佞年音相近故公羊作年 大戴禮公冠篇成王冠祝雍曰使王近於民遠於年 說苑脩文篇使王近於民遠於佞

左氏秋七月叔弓如宋葬宋共姬

公羊同左氏

穀梁秋七月叔弓如宋葬其姬

謹案穀梁脫宋字

皇清經解卷一千三百一十一終 靈川舉人秦培璠對字